

n Körte soamenvatten van de veurege keren:

Fred het eerappels bie boer Klaassens stolen, mit de bedoulen doar jenever/foezel van te moaken. De zak mit eerappels staat in de koamer. Kist dat nait open en bloot in d'koamer loaten stoan, zeker nait as Willem Koegel der over tou komt.

t Is n ploug van honger en dörst bie Doetje Klaain. Dat hebben je vast wel maarkt. Nou is Doetje nait aine, dij bie de pakken dele zitten gaait. Hai het al weer grote plannen oetdocht. Zien porremonnee is noamelk van siepeltjeleer en doar mout snel veraandern in kommen. Hou e dat aanpakt?

Vaarde òflevern.

Wat je zain

Fred:

Doetje:

Fred:

Doetje:

Fred:

Doetje:

Fred:

Doetje:

Fred:

Doetje:

Fred:

Doetje:

Fred:

Doetje:

*hai lopt noar t bère, hoalt n flèze
van de plaanke of, pakt twij gloaskes
oet t theekastje en schenkt twij
borrels in*

Fred: *verbolderd*

Doetje:

Fred:

Doetje:

Wat je heuren

Waist woar ik mien vraagtaikens bie zet?

Bie dien geesteleke vermogens?

Den zol ik ja net zo'n haalfwieze wezen as doe, Doetje Klaain.

Wie worden hier nait persoonlek, hè. Ast doe mainst, dast mie in mien aigen hoes n beetje veur maal Jan oetmoaken kist, den hest wel goud mis. Mor eh ...wat wolst mie duudlek moaken.

Ik wol wel es waiten, hou t kin dat sommege mìnsen riek binnen en aandern, zo as wie, zo aarm binnen

.... dat ze gain noagel hebben om heur komt te kraben.

Holdst mie de woorden oet de mond. Dat is persies t juuste woord. Wie hebben allendeg mor kraberij

Ho, ho, nou vergist die even. Mit dij eerappels, dij doar in d'hörn stoan te stinken, doar hebben wie gain kraberij bie had.

Haalfzeuven. Kist nou nooit es n moal serieus wezen. Ik perbaaier die duudlek te moaken, dat ter toch n menaaijer wezen mout om wat meer cinten in d'buutse te kriegen.

O, bedoulst dat. Da's nait zo stoer. Ik wait hou je aan n haileboel cinten kommen kinnen.

Deur n bank te beroven zeker.

Nee, da's veuls te stoer. t Is veul makkelker. Wie hoalen gewoon t geld bie de rieke mìnsen vot.

En hou wol onze Robin Hood dat den doun?

Goa der es even bie zitten. Den willen we ons t leven eerst es even wat aangenouamer moaken.

Wat dust nou. Doe bist toch ook wel n filaine miesgaster.

Wolst doe mie vertellen, dast hier aal dij tied dij lekkere borrels veur mie verstopt hest.

O, nee, konst toch zulf zain dat ik gewoon n flèze van dij plaanke of hoald heb.

Mor nou snap ik dus ook, waarom dast doe vanmörge hailemoal van de wereld wast. Doe hest natuurlek gusteravond in dien allaintjes in dien aigen stille knip flink aan de zoep west. En mie aal mor veurlaigen en mie bedraigen, dast gain drup draank in hoes hest.

Bist oetroasd? Ik wil dien borreltje wel weer terogge gaiten in de flèze as die dat beter oetkomt.

Wat je zain

Fred:

nemt n slokje

Doetje:

Fred:

Doetje:

Fred:

Doetje:

Fred:

*gaait rechtop zitten en kikt
zulfingenomen noar t publiek*

Doetje:

Fred:

knikt nog haarder

Doetje:

mit n braide glimlaag

Fred:

*draait zok noar Doetje tou en
kikt hom aargwoanend aan*

Doetje:

Fred:

Doetje:

Fred:

Doetje:

Fred:

Doetje:

Fred:

Doetje:

Fred:

*gaait stoan en mit braide
aarmgeboaren noar t publiek*

laagt haard en zachies snokkend

Doetje:

Fred:

Wat je heuren

Neu, ach, nee, dat zol ja zunde wezen. Stel die veur dast wat graimen zolst. Nee, ik drink hom zo wel op

En nou veur de droad mit dien verhaal.

Welk verhaal.

Doe haerst toch n menaaijer om aander mìnsen t geld of te troggeln.

Luuster, beste kammeroad. Luuster, wat ik bedocht heb. Ain ding is mie in t leven al wel duudlek worden en dat is, dat de mìnsen zok groag veur t zootje loaten holden. De mìnsen willen groag bedrogen worden.

Nou ikke nait. Der is gainaine, dij t veur mekoar krigt om mie veur de gek te holden. Doar duurf ik wel honderd .. eh .. tien ... ehh .. alles om te verwedden wat ik heb.

Dat leuf ik best. Doe bist ook ja zo'n intelligente kirrel. Ik kin mie nait veurstellen, dat aine die veur de gek zol kinnen holden..... gain Willem Koegel.....

Zo ist.

Gain Doetje Klaain.

Mor drink eerst dien borrel mor even oet. Den zol ik t verhaal even ofmoaken.

Mor woar haren we t ook nog mor es over?

Doe hest mie veur t zootje, hèn?

Nou bist ter weer bie. Doar haren we t over. Over mìnsen veur de gek holden. t Ainegste woarst rekening mit holden moust is de menaaijer woarop t gebeurt.

En woar denkst den aan.

Woar kloagt t mìnsgdom t maiste over.

Over n lege porremonnee?

Ook, mor net zo veul over heur gezondheid. En in dizze stoere tieden, veuraal over de geesteleke gezondheid.

Ha, ha, Doetje Klaain. Wolst die mie vertellen dast doe veur doktertje speulen wilt.

Joa, dat wil ik die vertellen.

Attensie mìnsgen, aalmoal even aandacht. Sinds kòrt woont hier dokter Klaain, onze aigen dörpskwakzaalver

En hou wolst dat den doun?

Laag doe mie mor oet. Heb mie mor veur de gek. Ast mor waist, spottershoezen branden licht.

Bist echt serieus nait?

Wat je zain

Doetje:

schenkt nog twij borrels in

wacht even

Zusje:

komt binnen en wil aan toavel

goan zitten

Doetje:

geft heur n opsodemieter

Fred:

helpt Zusje overinne

Zusje:

kikt baange noar Doetje

Fred:

laaidt Zusje, stief doekend, noar de deure van de keuken

Doetje:

Fred:

gaait weer zitten en denkt daip noa

Doetje:

Fred:

Doetje:

laagt

Fred:

Doetje:

Fred:

Doetje:

Fred:

Doetje:

Wat je heuren

Joa, haile serieus en dat zol ik die es even goud oetstokken. Wie mouten n beetje aan de vezichtege kaante van t mediese terraaïn blieden. Dus niks gain mezzen en gain naalden en ook gain dure medisienen, nee wie goan ons richten op t verbeteren van de geesteleke en psychiese gezondheid van de mînsen. Alle onduudleke klachten goan wie te lieve mit ons aigen therapie
Mit de oardstroalenverwiederoar!!

Wel het die verteld, dast hier bie ons zitten mogst.

Kom mor mien wicht, heur. Trek die mor niks van dij male bruier van die aan. Dij is nait goud gozzel.

Hai zegt, dat e de geestelke gezondheid van de mînsen verbeteren wil. Nou, loat e eerst mor mit zokzulms begunnen

Goa doe ons mor even n lekker staark bakkie kovvie zetten, dat kinnen wie wel gebroeken, want Doetje en ik mouten eerst even nije plannen moaken. En doar hebben we n heldere kop bie neudeg.

Wat bist toch ook n sliemer. Aal dat geflikflooi mit mien zuster. Liekst Willem Koegel wel, dij kin ook nait van mien zuster ofblijeden.

Mor nou even serieus, as wie dien oardstroalen hou nuimst hom ook nog mor es?

Oardstroalenverwiederoar.

As wie dien oardstroalenverwiederoar nou es op dien zuster oet goan perbaaiern, den kinnen we persies zain oft waarkt.

Ik denk dast doe zulf n betere proefpersoon wezen zolst.

Ikke?

Joa, doe. Waïke Tinus. Snapst nou nait, dat dit haile projekt allendeg mor bedould is om geld te verdainen. Om aander mînsen geld oet de buutse te kloppen.

Eh jewel

Denkst nou echt dat wie aander mînsen hier beter moaken goan?

Nou, nee.....

Den goan we nou aan t waark, want der mout nog n haileboel gebeuren, veurdast ons bedrief lopen gaait.

Doetje het dus grote plannen. Ain van d'eerste dingen dij der mout gebeuren is n verbauwen van zien hoeske. Der mout n wachtkoamer en n spreekkoamer kommen. En hou moaken je medisienen. t Binnen aal zoaken dij in de volgende òflevern aan bod kommen.